

## E Mensahe di Hebreo

*Les 2 di kuartaal 1, aña 2022*

Les a pa e siman aki:

Siman Aki: Heb. 1:5-14, Lukas, 1:30-33, Sal. 132:1-5, Heb. 2:14-16, Heb. 5:1-4, 1 Ped. 2:9, Heb. 8:8-12.

### TEKSTO PRINSIPAL:

"Awor e punto prinsipal di loke a wòrdu bisá ta esaki: nos tin tal Sumosaserdote, Kende a tuma Su puesto na man drechi di e trono di e Mahestat den e shelunan"(Hebreo 8:1, Beibel Santu).

## E Mensahe di Hebreo

*sabbat, 01-01-2022*

Un dokumento hudiu skirbí algun dékada despues di Hebreo, rònt di 100 despues di Kristu, ta kontené un orashon: 'Tur esaki mi a papia Bo dilanti, o Señor, pasobra bo a bisa ku ta pa nos bo a krea e mundu akí....I awor, o Señor, ata, e nashonnan akí, ku tin e reputashon di ta nada, ta dominá riba nos i ta devorá nos. Pero nos ku ta Bo pueblo, kende Bo a yama Bo primogenitor, úniko, i zeloso pa Bo, i mas stimá, a wòrdu entregá den nan mannan.'- James H. Charlesworth, ed., The Old Tèstament Pseudepigrapha, vol 1, [New York: Hendrickson Publishers, 1983], p. 53.6. E lesadónan di Hebreo probablemente a sinti algu similar. Si nan tabatá yunan di Dios, di kon nan tabata pasando dor di sufrimentu asina?

Pues, Pablo a skirbi Hebreo pa fortalese e fe di e kreyentenan mei mei di nan pruebanan. El a rekòrdá nan (i nos) ku e promesanan di Dios lo wòrdu kumplí atraves di Hesus, kende ta sintá na e man drechi di e Tata, i ku pronto lo hiba nos kas. Mientrastantu, Hesus ta media e bendishonnan di Su Tata pa nos. Pues, nos mester tene duru na nos fe te na fin.

Studia e lès di e siman akí pa prepará pa Sabat, 8 di yanüari.

## Hesus Ta Nos Rei

*djadumingu, 02-01-2022*

E punto prinsipal di Hebreo ta ku Hesus ta e Sumosaserdote, ku ta sintá na e man drechi di e Tata (Heb. 8:1). Komo Dios, Hesus semper e gobernante di e universo. Pero ora ku Adam i Eva e peka, Satanás a bira e gobernante di e mundu akí (Huan 12:31, Huan 14:30, Huan 16:11 ). Sinembargo, Hesus a bini i a derotá Satanás na e krus, rekobrando e derechi di goberná esnan ku asept'E komo nan Salvador (Kol. 2:13-15 ).

E promé dos kapitulonnan di Hebreo ta enfoká spesialmente riba e inougurashon di Hesus komo Rei.

### **Les a Hebreo 1:5-14. Kiko ta pasando akinan?**

E versíkulonan akí ta areglá den tres sekshon. Kada sekshon ta introdusí un aspekto di e seremonia di entronashon di e Yu. Na promé lugá, Dios ta adoptá Hesus komo Su Yu royal (Heb. 1:5). Na di dos lugá, Dios ta introdusí e Yu na e korte selestial, kende ta ador'E (Heb. 1:6, 8) mientras Señor ta proklamá e gobernashon eterno di e Yu (Heb. 1:8-12). Na di tres lugá, Dios ta entroná e Yu-e poder konfederal actual (Heb. 1:13, 14).

Un di e kreensianan di mas importante di e Tèstament Nobo ta ku den Hesus Dios a kumpli ku Su promesanan na David (wak 2 Sam. 7:8-16 i Lukas 1:30-33 ). Hesus a nanse for di e lineahe di David den e suidat di David (Mat. 1:1-16; Lukas 2:10, 11). Durante di Su ministerio hopi biaha e hendenan tabata yam'E "Yu di David." El a wòrdu ehekutá bou di e denunsiá di ku E ta yama Su mes "e Rei di e hudiunan" (mat. 27:37, Beibel Santu). Pedro i Pablo a prediká ku Hesus a lanta for di morto den kumplimentu di e promesanan hasí na David (Ech. 2:22-36, Ech. 13:22-37) . I Huan a identifiká Hesus komo "e Leon di e tribu di Juda"(Rev. 5:5 ).

Lógikamente, Hebreo ta vense. Dios a kumpli ku Su promesanan na David den Hesus: Dios a dun'E un gran "nòmber" (Heb. 1:4 ), a adopt'E komo Su mes Yu (Heb. 1:5), stablesé Su trono pa semper (Heb. 1:8-12 ), i a lagu'E sinta na Su "man drechi" (Heb. 1:13, 14). Ademas, segun Hebreo 4, Hesus ta guia e pueblo den e sosiegu di Dios i ta rekòrdá nos ku Hesus ta Esun ku a traha e kas di Dios (Heb. 3:3, 4).

E ora ei, Hesus ta e gobernante legítimo komprometé den un guera ku Satanás, e ursupadó, pa nos aliansa.

### **Kon nos por haña konsuelo, spesialmente meimei di prueba, sabiendo ku Hesus ta e gobernante di e universo?**

## Hesus Ta Nos Mediadó

*djaluna, 03-01-2022*

Un konsepto interesante di e teologia di e Tèstament Bieu ta ku e rei primintí ku ta bini for di e desendiente di David lo representá e nashon dilanti di Dios.

**Kompará Éksodo 4:22, 23 ku 2 Samuel 7:12-14; Deuteronomio 12:8-10 ku 2 Samuel 7:9-11; i Deuteronomio 12:13, 14 ku Salmo 132:1-5, 11-14. Kua promesanan na Israel lo keda kumplí pa medio di e rei primintí ku ta bin for di desendiente di David?**

Israël tabata Dios Su yu, i Dios lo duna nan un lugá kaminda nan por sosegá for di nan enemigunan. Tambe Dios lo skohe un lugá entre nan kaminda Su nòmber lo permanesé. E promesanan akí pa Israel a wòrdu transferí na e rei primintí ku ta bini for di desendiente di David. E lo wòrdu adoptá komo Dios Su yu, Dios lo dun'é sosiegu for di su enemigunan i e lo konstruí un tempel pa Dios den Sion kaminda Dios Su nòmber lo permanesé. Esaki ta nifiká ku Dios lo kumpli ku Su promesanan na Israel pa medio di e rei primintí ku ta bini for di desendiente di David. E rei ku ta bini for di desendiente di David lo representá Israel dilanti di Dios.

E hinkamentu di un representante den e relashon entre Dios i Israel a hasi e perpetuashon di nan relashon di aliansa posibel. E aliansa di Moisés a rekerí e fieldat di henter Israel pa risibí Dios Su protekshon i bendishonnan (wak Hos. 7:1-13 ). Sinembargo, e aliansa di David a sigurá Dios Su bendishonnan di aliansa riba Israel pa medio di e fieldat di un persona, e rei ku ta bini for di desendiente di David.

Desafortunadamente, mayoría di e reinan ku a bini desendiente di David no tabata fiel, i Diós' no por a bendishoná Israel manera E tabata ke. E Tèstament Bieu ta yen di relatonan di kon infiel hopi di e reinan ei tabata realmente.

E bon notisia ta ku Dios a manda Su Yu pa nanse komo e Yu di David, i E tabata perfektamente fiel. P'esei, Dios' por kumpli tur e promesanan ku El a hasi den djE na Su pueblo. Ora ku Dios bendishoná e reí, henter su pueblo ta disfrutá di e benefisionan. Ta pa e motibu akí Hesus ta e Mediadó di Dios Su bendishon na nos. E ta e Mediadó den sentido di ku E ta e kanal pa medio di Ken Dios Su bendishonnan ta kore. Nos speransa di mas grandi di salbashon ta wòrdu hañá solamente den Hesus i den loke E a hasi pa nos.

**Pensa tokante di kon frekvente bo tabata infiel den bo parti di e aliansa. Kiko esaki ta siña nos tokante di kon nos mester dependé solamente riba Hesus pa salbashon?**

## Hesus ta Nos Kampion

*djammers, 04-01-2022*

### **Kompará 1 Samuel 8:19, 20 i Hebreo 2:14-16. Kiko e israelitanan tabata buska den un rei, i kon e deseonan akí tabata keda kumplí den Hesus?**

E israelitanan tabata ke un rei pa ta nan hues i nan lider den bataya pasobra nan a lubidá ku Dios tabata nan rei. E restourashon kompleto di Dios Su gobernashon riba Su pueblo a bini ku Hesus. Komo nos Rei, Hesus ta guia nos den e bataya kontra di e enemigu.

Hebreo 2:14-16 ta deskribí Hesus komo e kampion di sernan humano débil. Kristu ta enfrentá i derotá diabel den un solo bataya i ta libra nos for di sklabitut. E deskripshon akí ta rekòrdá nos riba é bataya entre David i Goliat. Despues di á wòrdu ungi komo rei (1 Samuel 16), David a salba su rumannan for di sklabiut 'derotando Goliat. E tèrminonan di kompromiso tabata determiná ku e ganadó di e bataya lo sklabisá e hendenan di e otro partido (1 Sam. 17:8-10). Pues, David a aktua manera un kampion di Israel. El a representá nan.

### **Lesá Isaías 42:13 i Isaías 59:15-20. Kon Yahweh ta deskribí Su mes den e porshonnan akí?**

Hebreo 2:14-16 ta aludí na e noshon di ku Dios lo salba Israel den un bataya individual. Ripará e porshon akí for di Isaías: "Siguramente, asina SEÑOR ta bisa: 'Asta e katibunan di e hòMBER poderoso lo wòrdu kitá for di djé, i e proi di un tirano lo wòrdu reskatá; pasobra lo Mi pleita ku esun ku ta pleita ku bo, i lo Mi salba bo yu hòMBERNAN'" (Isa. 49:25, Beibel Santu).

Komo kristiannan hopi biaha nos ta pensa ku nos ta embolbí den un bataya individual ku Satanas. Ora ku nos lesa Efesionan 6:10-18, nos ta mira ku sí, nos ta den un bataya ku diabel. Pero Dios ta nos kampion, i E ta bai batáya na nos favor. Nos ta partí di Su ehérsito; ta p'esei nos mester usa Su armadura. Ademas, nos no ta lucha nos so. E "boso"den Efesionan 6 ta plural. Nos komo un iglesia ta bisti e armadura i bringa huntu tras di nos kampion, kende ta Dios mes.

### **Kiko ta nifiká pa bisti e armadura di Dios? Pues, den nos luchanan diario ku nos mes, tentashon, etsetera, kon nos por probechá di e poder ku ta kapasidá nos pa ta fiel pa medio di Dios Su forsa?**

20

## Hesus Ta Nos Sumosaserdote

*djarason, 05-01-2022*

Hebreo 5-7 ta introdusí un segundo funshon di Hesus. E ta nos Sumosaserdote. E autor ta splika ku esaki ta kumpli un promesa ku Dios a hasi na e rei primintí ku lo bini di desendiente di David, ku E lo ta un "Saserdote pa semper segun e órdu di Melkisedek" (Sal. 110:4, manera a wòrdu sitá den Heb. 5:5, 6, Beibel Santu).

### **Les Levítiko 1:1-9, Levítiko 10:8-11, Malakias 2:7, Numbenan 6:22-26, I Hebreo 5:1-4. Ki funshonnan e saserdote tabatin?**

E saserdotenan tabata wòrdu apuntá pa sernan humano pa representá nan i media nan relashon ku Dios i e kosnan ku ta pertenesé na djE. e saserdote tabata un mediadó. Esaki tabata bèrdat pa kualkier sistema di saserdosio, sea hudiu, griego, romano, òf kualkier otro. E saserdote ta hasi posibel pa nos por relashoná ku Dios, i tur kos ku e saserdote ta hasi tin e propósito di fasilitá e relashon entre nos i Dios.

E saserdote ta ofresé sakrifisionan na fabor di sernan humano. E pueblo no por trese e sakrifisionan akí na Dios personalmente. E saserdote sa kon nos por ofresé un sakrifisio "aseptabel" pa asina nos regalonan por ta aseptabel na Dios òf pa nan por proveé limpiesa i pordon.

Saserdotenan tambe tabata siña hende e lei di Dios. Nan tabata ekspertonan den e mandamentunan di Dios i tabata na enkargo di splika i apliká nan.

Finalmente, e saserdotenan tambe tabatin e responsabilidat di bendishoná den e nòmber di Yahweh. Pa medio di nan, Dios tabata media Su bon boluntat i propósito benefisiente pa e pueblo.

Sinembargo, den 1 Pedro 2:97 nos ta mira algu otro. Nos -kreyentenan den Hesus- ta wòrdu yamá "un saserdosio real." E ròl akí ta impliká privilegionan inkreibel. Saserdotenan tabata por a aserká Dios den e santuario. Awe, nos por aserká Dios pa medio di orashon ku konfiansa (Heb. 4:14-16; Heb. 10:19-23). Tambe tin responsabilidatnan importante: Nos mester kolaborá ku Dios den Su obra di salba e mundu. E ke pa nos siña i splika Dios Su leinan i preseptonan na otronan. Tambe e ke pa nos ofresé sakrifisionan di adorashon i bon obranan, kualnan ta agradabel na djE. Ki privilegio i ki un responsabilidat!

**Ki diferencia e echo ku realmente nos ta "un saserdosio real" mester hasi den nos bida? Kon e bèrdat akí mester impaktá e manera ku nos ta biba?**

## Hesus ta Media un Mihó Aliansa

*djaweps, 06-01-2022*

Hebreo 8-10 ta enfoká riba e obra di Hesus komo Mediadó di un aliansa nobo. E problema ku e aliansa bieu tabata ku simplemente e tabata solamente un sombra di e bon kosnan ku lo bini. Su institushonnan a wòrdu diseñá pa prefigure, pa ilustrá, e trabou ku Hesus lo hasi den futuro. Pues, e saserdotenan tabata prefigure Hesus, pero nan tabata pekadónan mortal. Nan no por a proveé e perfekshon ku Hesus tabata proveé. I nan tabata ministrá den un santuario ku tabata un "kopia i sombra" (Heb. 8:5, Beibel Santu) di e santuario selestial.

Hesus ta ministrá den e berdadero santuario i ta proveé nos aksesu na Dios. E sakrifisionan di animalnan tabata prefigurá e morto di Hesus komo un sakrifisio na nos fabor, pero nan sanger no por a limpia e konsenshi. Sinembargo, Hesus Su morto ta purifiká nos konsenshi pa asina ku nos por aserka Dios kurashi (Heb. 10:19-22 ).

### **Lesu Hebreo 8:8-12. Kiko Dios a primintí na nos den e aliansa nobo?**

Mustrando na Hesus komo nos Sumosaserdote, e Tata a inougurá un aliansa nobo ku lo logra loka e aliansa bieu solamente por a antisipá. E aliansa nobo ta duna loka solamente un saserdote pèrfèkto, eterno, humano-divino por duna. E Sumosaserdote akí no solamente ta splika e lei di Dios pero e ta implantá esaki den nos kurason. E Saserdote akí ta ofresé un sakrifisio ku ta trese pordon. E Saserdote akí ta limpia i transformá nos. E ta transformá nos kurason di piedra na karni (Ezek. 36:26). Realmente E ta krea nos di nobo (2 Kor. 5:17). E Saserdote akí ta bendishoná nos den e manera di mas inkreibel, proveendo pa nos aksesu na e presensia di e Tata mes.

Dios a diseñá e aliansa bieu pa e por mostra dilanti na futuro, na e obra di Hesus. E tabata bunita den su diseño i propósito. Pero tòg, algun hende a kompronde su propósito robes. No-dispuesto pa laga e símbolonan, e sombranan i aseptá e bèrdatanan ku e símbolonan tabata muestra na dje, nan a pèrde e maravioso benefisionan ku Hesus Su ministerio a ofresé nan.

"Kristu tabata e fundeshi di bida den tèmpel. Su servisionan tabata típiko di e sakrifisio di e Yu di Dios. E saserdoso a wòrdu stablesí pa representá e karakter mediadó i e obra di Kristu. Henter e plan di sakrifisio di adorashon tabata muestra na e Salvador Su morto pa redemí e mundu. Lo no tin efikasía den e ofrendanan akí ora e gran evento na kua nan tabata muestra pa añanan a keda kompletá."- Ellen G. White, *The Desire of Ages*, p. 165.

## Mas Estudio:

*djabisierne, 07-01-2022*

Apesar di tur e bèrdatan bon i yen di speransa den e buki di Hebreo, tambe tin un serie di atvertenshanan ku ta alkansá nan klímaks den kapitulonon 10-12:

E sekshonnan akí tin por lo menos dos elemento komún. Na promé lugá, nan tur ta kompará e generashon di desierto ku e lesadónan di Hebreo. Na di dos lugá, nan ta eksortá nos pa tin fe.

E generashon di desierto tabata esun ku a mira e poder asombroso di Dios den señalnan i maravianan den nan liberashon for di Egipto. Tambe nan a tende Dios bisa e Dies Mandamentunan for di seru di Sinai. Nan a mira e pilá di kandela anochi i e nubia protector durante di dia. Nan a kome manna, pan di shelu. Tambe nan a bebe awa ku tabata basha for di barankanan unda ku nan tabata kamper. Pero ora ku nan a yega na e frontera di e Tera Primintí, nan no tabata por a konfia Dios. Nan tabata falta fe, kual ta e kas prinsipal ku Dios ta rekerí. "I sin fe ta imposibel pa agrad'E (Heb. 11:6, Beibel Santu).

Pablo ta bisa ku nos, meskos ku e generashon di desierto, tambe ta na e frontera di e Tera Primintí (Heb. 10:37-39). Sin embargo, nos privilegionan i responsabilidatnan ta mas grandi. Nos no a tende Dios papia na Seru di Sinai, pero nos a mira den Skritura un Revelashon mas grandi di Dios na seru di Sion: Dios den karni, Hesu-Kristu (Heb. 12:18-24 ). E pregunta ta: nos lo tin fe? E outor ta enkurashá nos pa sigui e ehèmpel di e gran lista di personahenan, ku ta kulminá ku Hesus mes.

Preguntanan pa Diskushon:

1. Nos a siña ku Hesus ta nos Kampion ku ta bai nos dilanti den e bataya kontra di maldat. Kon nos por bringa huntu, uní, manera un iglesia tras di nos Kampion? Kua ta e kosnan ku ta prevení nos pa e unidat akí tuma lugá? Kua ta maneranan ku Satanas por debilitá nos komo iglesia? Kon Satanas a debilitá Israel den pasado?
2. Komo kreyentenan, nos ta un komunidad di saserdotenan bon di e guiansa di Dios. Den ki maneranan bo iglesia local por ofresé mihó servisionan di alabansa i bon obra na Dios? Por fabor, sea spesífiko i práktiko?
3. Na ki manera nos situashon ta similar ku e situashon di e generashon di desierto net promé ku nan a krusa pa drenta den e Tera Primintí? Kua lèsnan nos por siña for di e similaridatnan?